



Na osnovu člana 3. stav (1) Zakona o službi u OS BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18), a u skladu sa odredbama 16., 17. i 18. Pravilnika o školovanju kadeta i vojnih stipendista broj: 10-02-3-1550-41/18 od 26.04.2019. godine, a u cilju odabira kandidata/kinje za školovanje na Vojnoj akademiji u inostranstvu, Ministarstvo odbrane Bosne i Hercegovine raspisuje,

J A V N I K O N K U R S
za školovanje kadeta na Vazduhoplovnoj vojnoj akademiji Oružanih snaga
Šjedinjenih Američkih Država (SAD), za školsku 2021/2022. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 1 (jednog) kadeta na Vazduhoplovnoj vojnoj akademiji Oružanih snaga SAD, za školsku 2021/2022. godinu.

II – USLOVI KONKURSA

- 1. Opći uslovi** su propisani članom 9. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama BiH,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).

- 2. Posebni uslovi:**
 - a) završena srednja škola IV stepen,
 - b) da je postigao/la ukupan uspjeh najmanje vrlo dobar uspjeh, kao i da mu/joj je prosjek ocjena iz matematike i fizike najmanje dobar,
 - c) da nije mlađi/a od 17 i stariji/a od 23 godine na dan 01.07.2021. godine,
 - d) poznavanje engleskog jezika (na provjeri poznavanja engleskog jezika da postigne minimalno 80 bodova na testu ALCPT),

- e) poznavanje rada na računaru (Word, Excel, Power Point, Internet),
- f) fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trčanje 1600 m (1 milja), *shuttle* test (sprint), trbušnjaci, zgibovi, bacanje košarkaške lopte i sklekovi.

Napomena:

1. Kandidati/kinje prijavljeni na Javni konkurs proći će test fizičke spremnosti, test općeg znanja, test engleskog jezika i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.
2. Rangiranja kandidata/kinja vršit će se na osnovu kriterija koje će odobriti Ministar odbrane Bosne i Hercegovine i s kojima će biti upoznati kandidati/kinje koji budu pozvani na testiranje i provjere.
3. Testiranjima, provjerama i intervjuu sa kandidatima/kinjama pored komisije za izbor kandidata/kinja za školovanje kadeta Ministarstva odbrane Bosne i Hercegovine biće prisutni i predstavnici Ureda za saradnju iz oblasti odbrane (ODC) Ambasade Sjedinjenih Američkih Država u Bosni i Hercegovini.
4. Rang liste kandidata/kinja za prijem za školovanje kadete na Vazduhoplovnoj vojnoj akademiji Oružanih snaga SAD, Ministarstvo odbrane Bosne i Hercegovine dostavlja Vazduhoplovnoj vojnoj akademiji Oružanih snaga SAD preko Ureda za saradnju u oblasti odbrane (ODC) Ambasade Sjedinjenih Američkih Država u Bosni i Hercegovini, koje će izvršiti konačan izbor za kandidata za kadeta na Vazduhoplovnoj vojnoj akademiji Oružanih snaga SAD.

3. Posebni uslovi prema kriterijima Vazduhoplovne vojne akademije Oružanih snaga u SAD

- a) položen Scholastic Aptitude Test (SAT) za Vazduhoplovnu vojnu akademiju Oružanih snaga SAD najkasnije do 05.12.2020. godine. (SAT kôd za Vazduhoplovnu vojnu akademiju Oružanih snaga SAD je 4830). Sve informacije o polaganju SAT testa se mogu pronaći na web stranici: <https://collegereadiness.collegeboard.org/sat/register/international>
- b) položen test engleskog kao stranog jezika (TOEFL) za Vazduhoplovnu vojnu akademiju najkasnije do 26.02.2021. godine. Sve informacije o polaganju TOEFL testa se mogu pronaći na web stranici: <http://www.ets.org>
- c) provjeru fizičke spremnosti realizovat će Komisija Ministarstva odbrane Bosne i Hercegovine u saradnji sa Uredom za saradnju iz oblasti odbrane (ODC) Ambasade Sjedinjenih Američkih Država u Bosni i Hercegovini, po kriterijima propisanim od strane Vazduhoplovne vojne akademije Oružanih snaga SAD. Sve informacije o kriterijima za polaganje testa fizičke spremnosti su navedene na web stranici: <http://www.academyadmissions.com>
- d) da kandidat/kinja posjeduje snažan potencijal za buduće vođe kroz
 - aktivno učešće u vannastavnim aktivnostima,
 - učestvovanje na školskim ili lokalnim sportskim takmičenjima,
- e) preporuke nastavnog osoblja srednje škole koju je kandidat/kinja pohađao/la ili pohađa,

- f) da kandidat/kinja nije oženjen/udata i da nema zakonsku obavezu izdržavanja djece.

Zdravstveni uslovi:

- a) da kandidat/kinja ne boluje od zaraznih oboljenja (HIV, TBC, hepatitis), kao i da ne boluje od astme i oboljenja srca,
- b) da ima odličan vid i da nema problema koji bi mogli predstavljati prepreku za treniranje boksa (deformacija rožnjače RK, PRK, laserska korekcija vida),
- c) da dobro podnosi velike vrućine i da nema sklonost ka dobijanju sunčаницe,
- d) da nije u drugom stanju,
- e) da nema zubnih oboljenja i/ili drugih stomatoloških problema koji bi mogli predstavljati prepreku u treniranju boksa,
- f) da nema povredu glave koja bi mogla predstavljati prepreku u treniranju boksa.

III – ŠKOLOVANJE, PRAVA I OBAVEZE

1. Školovanje kadeta na Vazduhoplovnoj vojnoj akademiji Oružanih snaga u SAD traje četiri godine, počevši od školske 2021/2022. godine.
2. Odabrani kandidat/kinja imat će status kadeta, čija će prava i obaveze biti regulisani u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinje izabrane za školovanje na Vazduhoplovnoj vojnoj akademiji Oružanih snaga SAD i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu Vojne akademije.

IV– POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na: www.mod.gov.ba),
- b) Ovjerenje kopije svjedočanstava svih završenih razreda srednje škole,
- c) Ovjerenja kopija diplome četverogodišnje srednje škole,
- d) Ukoliko je kandidat/kinja pohađao/la ili završio/la školu u inostranstvu potrebno je da dostavi ovjerenu kopiju nostrifikovane diplome ili ekvivalencije svjedočanstava razreda završenih u inostranstvu od strane nadležnog organa, original ili ovjerenu fotokopiju,
- e) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- f) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- g) Uvjerenje o nevođenju krivičnog postupka, ne starije od 3 (tri) mjeseca,
- h) Potvrdu ili uvjerenje institucije/pravne osobe da u posljednje 3 (tri) godine nije otpušten/a sa posla zbog povrede službene dužnosti (za kandidate/kinje koji su bili ili su još zaposleni) ili Izjava kandidata/kinje ovjerena kod nadležnog općinskog organa,

- i) Original ili ovjerena kopija dokaza o prebivalištu ne starija od 3 (tri) mjeseci,
- j) Ovjerena izjava od podnosioca prijave da nema zakonsku obavezu izdržavanja djece,
- k) Dokaze o položenim SAT i TOEFL testovima (najkasnije do 28.10.2020. godine dostaviti printanu verziju rezultata, koji su dostavljeni na email lica koje je polagalo test predsjedniku komisije za izbor kandidata/kinje za kadeta Ministarstva odbrane Bosne i Hercegovine ili prilikom prijave na konkurs ukoliko lice ima položene testove SAT i TOEFL),
- l) Ukoliko je kandidat/kinja učestvovao na školskim ili lokalnim sportskim takmičenjima potrebno je da dostavi ovjerenu fotokopiju priznanja,
- m) Pismo preporuke nastavnog osoblja srednje škole koju je kandidat/kinja pohađao/la,
- n) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- o) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo po obrascu ponuđenom na: www.mod.gov.ba).

Napomena:

- 1. Konkursna dokumentacija će se vraćati kandidatima/kinjama na lični zahtjev u roku od 30 dana od donošenja konačne odluke ministra o izboru kandidata/kandidatkinje za školovanje.
- 2. Prevod dokumenata pod b), c), f), l) i m) na engleski jezik će dostaviti kandidati/kinje koji uspješno završe testiranja i provjere do 28.10.2020. godine predsjedniku komisije za izbor kandidata za prijem kadeta Ministarstvu odbrane Bosne i Hercegovine), a na jednom od službenih jezika moraju biti predati do datuma određenog Javnim konkursom za predaju dokumenata.

V – ODABIR KANDIDATA

Odabir kandidata izvršit će Komisija koju će formirati Ministar odbrane Bosne i Hercegovine.

VI – PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom: „**Javni konkurs za školovanje kadeta na Vazduhoplovnoj vojnoj akademiji Oružanih snaga Sjedinjenih Američkih Država (SAD)**“

Konkurs ostaje otvoren 8 (osam) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-2184-4/20
Sarajevo, 01.10.2020. godine

MINISTAR

Dr. Sifet Podžić

